



Hermānus ille multis uirtutibus ornatus, atq; magna corporis fortitudine erat præditus. Itaque Theutonicus Germanorum equitum ordo post Hermānum Bart eum quartum suppreum magistrum, rebus in Syria ferè deploratis, constituunt. Is itaq; suo officio gnauiter functo, per aliquot annos potēti Sarraceno restitit, & Ptolemaidam fortiter defendit. Cum autem urbs illa proditione hosti traderetur, ipse sese cum suis in Germaniam patriam contulit, atq; commodiora tempora cum impijs pugnādi expectauit. Commodè autem factum est, quod eo tempore Prussi crudeligenis & idolorum cultores in Poloniā & Mazo-

uiam irruentes, ferro & igne omnia popularentur, sacerdotes trucidarēt, 250 ecclesias delerent, atq; ingentem hominum copiam aliquoties in miserrimā seruitutem abducerent. Cum itaq; Conradus Poloniæ dux eam cladem Mazouia auertere haud posset, atq; interea tota Polonia in magno periculo esset, consilio cum suis habito, ad hunc Hermannum legatos misit, atq; a fortissimo illo Germanorum ordine auxilia petijt. Obtulit etiam ei huiusmodi condiciones: fore si hostem ex ijs locis profligarent, ut partem aliquam Mazouia circa Culmeriam obtinerent, atq; omnem Prussorum terram ijs uictis æterno iure sibi & successoribus uendicarent.